

# Powšitkowne WOZJEWJENJA

njedzelu, 1. septembra 2019

## Swójbne popołdnjo na Kukowskim hrodzišću

Dekanatne dušepastyrstwo přeprašuje wutrobnje na swójbne popołdnjo njedzelu, 1. septembra, na Kukowske hrodzišće. Wot 14.30 hodž. poskići so swačina a w 15.30 hodž. je nyšpor. Přizamknu so wšelake poskitki za džěci, młodostnych a dorosćenych.

## Za wulět dekanatneje młodžiny so přizjewić

Přeprašujemy wutrobnje na wulět dekanatneje młodžiny njedzelu, 15. septembra. Zetkamy so 11.45 hodž. při dwórnišću w Kamjencu. Potom pojedžemy z ćahom do Drježdžan, hdžež wočakuje nas wodženje po wustajeńcy w Hygienowym muzeju a jězba z tak mjenowanym „conferencebikom“. Přinošk wučinja 25 eurow na wosobu. W nim su jězba z ćahom, wječer, zastupy a jězba z „conferencebikom“ zapřijate. Přizjewće so prošu z mejlku hač do pónđzele, 2. septembra, pod [don.boskowy-dom@t-online.de](mailto:don.boskowy-dom@t-online.de) a napišće swoje mjeno, starobu, hdže bydliće. Městna za wulět su wobmjezowane.

*Dekanatne dušepastyrstwo za młodžinu*

## Zetkanje młodžiny diecezy

Dekanatne dušepastyrstwo za młodžinu přeprašuje na zhromadnu jězbu z busom k wulkemu zetkanju młodžiny biskopstwa sobotu, 14. septembra, do Wechselburga. Wotjědu w 7.15 hodž. z busom z Hornjeho Wujězda a so něhdže we 18 hodž. wróća. Jězba je darmotna. Zajimcy njech so hač do pónđzele, 9. septembra, w Don Boskowym domje we Worklecach přizjewja, a to najlěpje z mailku na [don.boskowy-dom@t-online.de](mailto:don.boskowy-dom@t-online.de).

## Nuncius přińdže do Ralbic

Bamžowy wulkopóslanc w Němskej, japoštołski nuncius arcybiskop Nikola Eterović, přińdže wutoru, 10. septembra, do Ralbic. W 9 hodž. budže wón Božu mšu swječić, na kotrejž so mjez druhim honorarowy konsul Chorwatskeje dr. Peter Neumann wobdžěli. Zwonka toho wobdžěli so z Chorwatskeje pochadźacy arcybiskop Eterović, kotryž so tež za Serbow zajimuje, na zhromadźiznje w Koćinje. Poprawom by wón Božu mšu w Kulowskej wosadneje cyrkwi swječić, hdžež je jeho krajan Jan Šadovic pochowany. Dokelž pak tam tuchwilu twarja, budu kemše, na kotrejž su wšitcy přeprašeni, w Ralbicach.

## Do klóštra hłubšo hač přez klučikowu džěrku pohladać

„Jeho słowo płaći tebi! Wjace hač pohladnjenje přez klučikowu džěrku. Dny za chutnje zajimowane žony.“ Pod tutym hesłom přeprašuja cistercienski klóštra Marijineje hwězdy wot pjatka do njedzele, 6. do 8. septembra, k sebi do Pančic-Kukowa žony, kotrejž začuwaja, zo su k duchownemu žiwjenju powołane a zo chcedža so prašenju swójskeho powołanja wěnować. Jim skići so składnosć, wšědny džer w klóštrje kónc tydženja dožiwić. Přizjewić měli so zajimče pola abatisy Gabriele Hesse, e-mailowa adresa [aebtissin@marienstern.de](mailto:aebtissin@marienstern.de) abo z póstom na adresu Cistercienska abtownja Marijina hwězda, Čišinskeho 35, 01920 Pančicy-Kukow.

## **Seminar ke kreatiwności a spiritualiće**

„Zrawić – čłowjek so stać“ rěka titul seminara, kotryž wotměje so wot pjatka do nje-dźele, 13. do 15. septembra, w Smochčanskim Domje biskopa Bena. Při tym dže wo to, sej „nutřkowe swěty“ wotkryć, kotrež móža so ze swójskej kreatiwnosću, molowanjom wobrazow a symbolow zwuraznić. Kurs nawjedujetaj farar dr. Hans-Konrad Harmansa, kotryž je hewak nawoda eksercicijow a duchowny přewodźer, a Maren-Magdalena Sorger, duchowna přewodźerka a terapeutka za molowanje a wuhotowanje. Zajimcy měli so pak pod [www.benno-haus.de](http://www.benno-haus.de), z mejlku na adresu [referent@benno-haus.de](mailto:referent@benno-haus.de) abo telefonisce w Smochćicach pod čisłom (03 59 35) 2 23 17 přizjewić. Tam zhonja nadrobnosće.

## **Dny rozpominanja ze swjatym różowcom**

Modlerske zhromadženstwo swjateho różowca (Rosenkranz-Sühnekreuzzug) přewjedže wot pjatka do nje-dźele, 27. do 29. septembra, w Smochčanskim Domje biskopa Bena dny rozpominanja. Tute nawjedujetaj franciskanski pater Benno Mikocki pod temu „Njejsym wšak žiwy ja, ale žiwy je we mni Chrystus“ a farar Stefan Thiel pod temu „Hiob a Salomonowa Pěseň pěsnjow“. Zajimcy měli pisomnje so pola Rosenkranz-Sühnekreuzzug, Franziskanerplatz 4, A - 1010 Wien, telefonowe čisło w Awstriskej (0043 1 ) 5 12 69 36 abo z mailku pod adresu [zent@rsk-ma.at](mailto:zent@rsk-ma.at) přizjewić.

## **Pytaja serbskej kublarce**

Kulowska katolska wosada pyta za swój džěćacy dom ze 140 džěćimi we wosom skupinach dvě kublarce abo kublarjej. Witaja jara, bychu-li či, kotřiž so požadaja, nabožnopedagogiske wukubłanje abo přirunujomnu kwalifikaciju měli a serbsce móhli. Wobšěrne wupisanje je pod [www.posol.de](http://www.posol.de) wozjewjene.

## **Pytaja pomocnikow**

Franciskusowa zhromadnosć z.t. w Lutyjecach (Leutwitz) w Hodžijskej gmejnje pyta pomocnikow we wobłuku swobodneho ekologiskeho lěta (FÖJ) a Zwjazkoweje dobrowólneje słužby (BFD) kaž tež wupomoc. Tam móža tež bydlić. Zajimcy měli so pola Petera Leppersa w Lutyjecach čisło 1 abo z mailku pod [Franziskusgemeinschaft@web.de](mailto:Franziskusgemeinschaft@web.de) přizjewić.